



100 Vjet Pavarësi

REPUBLIKA E SHQIPËRISË
AUTORITETI I KOMUNIKIMEVE ELEKTRONIKE DHE POSTARE
-Këshilli Drejtues-

V E N D I M

Nr.2128, datë 19.07.2012

për

**“Caktimin e Kodit të Pikës Ndërkombëtare të Sinjalizimit (ISPC)
sipërmarrësit “ABISSNET” Sh.a.**

Këshilli Drejtues (KD) i Autoritetit të Komunikimeve Elektronike dhe Postare (AKEP), i përbërë nga:

1. Z. Piro	Xhixho	Kryetar
2. Z. Alban	Karapici	Anëtar
3. Znj. Alketa	Mukavelati	Anëtar
4. Z. Benon	Paloka	Anëtar
5. Znj. Zamira	Nurçe	Anëtar

dhe sekretare Znj.M.Drushku, në mbledhjen e datës 19.07.2012, sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë”, ligjin nr. 8480, datë 27. 05.1999 “Për funksionimin e organeve kolegjiale të administratës shtetërore dhe enteve publike” dhe Rregullores së Brendshme të AKEP-it, shqyrtoi çështjen me objekt:

- Për Caktimin e Kodit të Pikës Ndërkombëtare të Sinjalizimit (ISPC) sipërmarrësit “ABISSNET” Sh.a.

BAZA LIGJORE:

- Ligj nr. 8485 datë 12.05.1999, “Kodi i Proçedurave Administrative” (**Kpra**);
- Shkronja “j”, e nenit 8, nenet 80 deri 90 të ligjit 9918 datë 19.05.2008 “Për Komunikimet Elektronike në Republikën e Shqipërisë” (**ligji nr. 9918**);
- Akti normativ rregullator Nr. 17, datë 16. 04. 2010 “Rregullat për Administrimin e Kodeve të Pikave të Sinjalizimit Kombëtare dhe Ndërkombëtare(NSPC dhe ISPC)” (**Rregullorja**), miratuar me Vendim të Këshillit Drejtues të AKEP Nr.1257, datë 16.04.2010;

- Pika 17 e nenit 21 të “*Rregullores së Brendshme të AKEP*”, miratuar me Vendim të Këshillit Drejtues të ERT-së, Nr. 170, datë 24. 04. 2004, e ndryshuar (*Rregullorja e Brendshme*);

K Ë S H I L L I D R E J T U E S:

Nga shqyrtimi i materialit shkresor, të përbërë nga:

1. Dokumentacioni shkresor i sipërmarrësit “ABISSNET” Sh.a. sipas të cilit ka aplikuar për Kodin e Pikës Ndërkombëtare të Sinjalizimit (ISPC);
2. Relacioni shpjegues mbi Projekt-Aktin (*Relacion*);
3. Projekt-akti për “Caktimin e Kodit të Pikës Ndërkombëtare të Sinjalizimit”(ISPC) sipërmarrësit “ABISSNET” Sh.a. (*Projektvendimi*);

si dhe,

duke i’u referuar diskutimeve në mbledhje mbi çështjen dhe bazës ligjore të sipërcituar,

V Ë R E N:

1. Sipërmarrësi “ABISSNET” Sh.a., është regjistruar në regjistrin e sipërmarrësve të AKEP (numër certifikate: 2012-AP-U69-8-5, datë 20.03.2012) për ofrimin e rrjeteve dhe shërbimeve të komunikimeve elektronike si më poshtë:

A. Rrjete publike të komunikimeve elektronike:

1. Rrjete publike tokësore fikse.

B. Shërbime publike të komunikimeve elektronike:

1. Shërbime telefonike,
2. Shërbimet e linjave me qira,
3. Shërbime të tjera të komunikimeve elektronike,

dhe ka aplikuar në AKEP sipas Rregullores për caktimin e Kodit të Pikës Ndërkombëtare të Sinjalizimit (ISPC).

2. Në dokumentacionin e depozituar në AKEP, mbi aplikimin për caktimin e Pikës Ndërkombëtare të Sinjalizimit (ISPC) nga sipërmarrësi “ABISSNET” Sh.a., bëjnë pjesë:

- a) Formulari i Aplikimi për Caktim e Kodit të Pikës Ndërkombëtare të Sinjalizimit ISPC);
- b) Marrëveshja me operatorin ndërkombëtar të pikës së sinjalizimit në distancë, që përdor teknologjinë TDM bazuar në Sistemin e Sinjalizimit ITU-T Nr.7 (SS NR.7), në të cilën nuk janë bërë ende pjesë rezultatet e testeve, sipas paragrafit “*Test procedures*” të kësaj marrëveshje;
- c) Dokumenta plotësuese, kërkuar sipërmarrësit nga AKEP-i sipas pikës 5.3.a) të Rregullores.

3. Drejtoria e Rregullimit Teknik si struktura vlerësuese e aplikimit çmon se, aplikimi i sipërmarrësit “ABISSNET” Sh.a., i përbërë nga:

a) Formulari i Aplikimit:

Formulari i aplikimit, bashkëngjitur me shkresën përcjellëse Nr.519 Prot.AKEP, datë 20.03.2012, është plotësuar sipas rregullores “Për Administrimin e Kodeve të Pikave të Sinjalizimit Kombëtare(NSPC) dhe Ndërkombëtare(ISPC)”;

b) Marrëveshja me operatorin ndërkombëtar që përdor teknologjinë TDM bazuar në Sistemin e Sinjalizimit ITU-T Nr.7 (SS NR.7):

Marrëveshja dypalëshe ndërmjet operatorit “ABISSNET” Sh.a. dhe operatorit ndërkombëtar “Express Teleservice Corp. d.b.a. LANCK TELECOM”, dërguar me shkresën Nr.519/2 Prot.AKEP, datë 26.06.2012, i plotëson “kriteret e vlerësimit” sipas pikës 6.3 të rregullores “Për Administrimin e Kodeve të Pikave të Sinjalizimit Kombëtare (NSPC) dhe Ndërkombëtare (ISPC)”, për aplikimin për kodin ISPC;

i plotëson kushtet për caktimin e kodit ISPC, në përputhje me rregulloren “Për Administrimin e Kodeve të Pikave të Sinjalizimit Kombëtare (NSPC) dhe Ndërkombëtare (ISPC)”,

P Ë R K Ë T Ë A R S Y E:

Duke marrë në konsideratë që aplikimi i sipërmarrësit “ABISSNET” Sh.a. është në përputhje me procedurën e përcaktuar në Aktin nr. 17, datë 16. 04. 2010 “Rregullat për Administrimin e Kodeve të Pikave të Sinjalizimit Kombëtare dhe Ndërkombëtare(NSPC dhe ISPC)”, bazuar në KprA, shkronjën “j”, të nenit 8, nenet 80 deri 90, pikën 1 të nenin 114 dhe pikën 1 të nenit 115 të ligjit 9918, si dhe pikën 17 të nenit 21 të Rregullores së Brendshme të AKEP, me qëllim dhënien e mundësisë sipërmarrësit për të kryer testet e nevojshme cituar sa më sipër,

V E N D O S:

1. T’i caktojë sipërmarrësit “ABISSNET” Sh.a., Kodin e Pikës Ndërkombëtare të Sinjalizimit (ISPC), sipas *Aneksit 1*, bashkëlidhur këtij vendimi.
2. Afati kohor për kryerjen e testeve të përcaktuara në marrëveshjen me operatorin ndërkombëtar (“Express Teleservice Corp. d.b.a. LANCK TELECOM”) të pikës së sinjalizimit në distancë, që përdor teknologjinë TDM bazuar në Sistemin e Sinjalizimit ITU-T Nr.7 (SS NR.7), është një muaj nga data e hyrjes në fuqi të këtij vendimi. Mosplotësimi i këtij kushti nga sipërmarrësi e bën këtë vendim të pavlefshëm.
3. Sipërmarrësi “ABISSNET” Sh.a. duhet të depozitojë në AKEP brenda afatit të caktuar për vënien në punë të këtij kodi, rezultatet e testeve të kryera duke e bërë pjesë (Aneks) të marrëveshjes me operatorin në distancë “Express Teleservice Corp. d.b.a. LANCK TELECOM”, sipas pikës 6, “Formulari i Aplikimit” të Rregullores;
4. AKEP-i do të anultojë caktimin Kodit të Pikës Ndërkombëtare të Sinjalizimit sipas këtij vendimi, në se ky kod nuk është vendosur në shërbim nga sipërmarrësi sipas afatit të përcaktuar në pikën 6.5 si dhe të rasteve të tjera të parashikuara në Aktin nr. 17, datë

16.04.2010 “Rregullat për Administrimin e Kodeve të Pikave të Sinjalizimit Kombëtare dhe Ndërkombëtare(NSPC dhe ISPC)”.

2. Ky vendim hyn në fuqi datën e miratimit të tij.

K R Y E T A R I

Piro XHIXHO

ANËTARËT E KËSHILLIT DREJTUES:

1. Alban KARAPICI _____
2. Alketa MUKAVELATI _____
3. Benon PALOKA _____
4. Zamira NURÇE _____

Aneksi: 1

Caktim i Kodit të Pikës Ndërkombëtare të Sinjalizimit (ISPC):

1. Vlera numerike e ISPC(National Signalling Point Code sipas formatit binary to decimal (3-8-3):

Kodi i Pikës Ndërkombëtare të Sinjalizimit(ISPC)	Sipërmarrësi	Emri i Pikës Sinjalizimit
3-228-6	ABISSNET	ABISSNET S01

2. Kodi i treguesit të Rrjetit NI=**00**(binar).
3. Implementimi dhe përdorimi i këtij kodi të bëhet në formatin binar 3-8-3 (14 bit) dhe në përputhje me “Rregullat për Administrimin e Kodeve të Pikave të Sinjalizimit Kombëtare dhe Ndërkombëtare” (VKD Nr.1257, datë 16.04.2010 i AKEP) dhe Rekomandimit Q.708 të ITU-T.

=====